

☒☒ Preporuka za slikovnicu "Ja sam ljudsko biće"

Predivna slikovnica o empatiji koja istražuje šta znači biti "jedan od milijardi, ali jedinstven". Odlična za korištenje u nastavi. Otvara teme o rastu, samosvjesnosti i pozitivnim aspektima ljudskog bića. Link za video sa audio zapisom u opisu ☒☒



"Ja sam ljudsko biće" "I am human", koju su napisali Susan Verde i Peter H. Reynolds, je slikovnica/ knjiga o empatiji koja nastoji istražiti šta znači biti "jedan od milijardi, ali jedinstven". Kroz ilustracije i jednostavne, ali vrlo precizne rečenice, knjiga se bavi pozitivnim aspektima ljudskog bića, poput radoznalosti i doživljavanja radosti, prevazilaženja strahova i oprost. Istražuje ideju da biti čovjek znači da nismo savršeni i da griješimo."

Mislim da je ova knjiga odlična za korištenje u nastavi, za bilo koji uzrast budući da je usmjerena na rast i samosvjesnost. Može poslužiti kao dobar resurs za lični, moralni, društveni i duhovni razvoj. Mlađa djeca mogu čak samostalno istraživati knjigu kroz ilustracije ili audio zapis, dok za starije učenike tekst i ilustracije omogućavaju višestruku primjenu uz zanimljive diskusije.

Ja sam knjigu s učenicima radila stranicu po stranicu, a ne cijelu knjigu odjednom i onda smo sve povezivali s istraživanjem školskih vrijednosti, ali smatram da njena snaga proizlazi iz činjenice da je korisna u različitim kontekstima.

Meni se lično svidjela priroda knjige koja dotiče široke teme, ali se iznova vraća našoj individualnoj jedinstvenosti završavajući s porukom nade.

Knjigu nisam uspjela nabaviti u stvarnom formatu pa sam pronašla digitalnu verziju i prevela na ovaj način. Nadam se da će vam biti od koristi.

<https://youtu.be/YSM2ezYeq5g?feature=shared>

Tags

Odgojne strategije

Collections

Objava

Inspiriraj druge